



**ҚР жоғары оқу орындарының студенттері арасында 6B042 «Құқық»
бағдарламасы бойынша республикалық пәндік олимпиаданы дайындау
және өткізу туралы
ЕРЕЖЕ**

Алматы, 2026 ж.

«БЕКІТІЛДІ»
Каспий қоғамдық
университетінің Ғылыми
кеңесінің отырысында
2026 жылғы 29 қаңтар
(№6 хаттама)



Ғылыми кеңестің төрағасы-
Ректоры
Нусенов Ж.М.

ҚР жоғары оқу орындарының студенттері арасында 6В042 «Құқық»
бағдарламасы бойынша республикалық пәндік олимпиаданы дайындау
және өткізу туралы
ЕРЕЖЕ

I. Жалпы ережелер

1. Осы Ереже Қазақстан Республикасы Ғылым және жоғары білім министрлігінің 6В042 «Құқық» бағыты бойынша оқитын жоғары оқу орындарының (бұдан әрі – ЖОО) студенттері арасында базалық жоғары оқу орындарында республикалық пәндік олимпиаданы ұйымдастыру және өткізу туралы ұсыныстарына сәйкес әзірленді (бұдан әрі – Олимпиада).

2. Олимпиада болашақ мамандардың ерекше кәсіби қабілеттерін дамыту мақсатында өткізіледі және талантты студент жастарды қолдау факторларының бірі болып табылады.

3. Олимпиаданың негізгі міндеттері:

- 1) студенттердің оқу, танымдық және зерттеу қызметін ынталандыру;
- 2) студенттердің кәсіби және жеке әлеуетін, өзін-өзі тануын және шығармашылық қабілеттерін дамыту, сонымен бірге өзін-өзі тану және өзін-өзі растау үшін жағдайлар жасау;
- 3) студенттердің белсенді азаматтық ұстанымын қалыптастыру;
- 4) ең талантты және дарынды студенттерді іріктеу және қолдау;
- 5) студенттердің теориялық білімін жетілдіру;
- 6) білім беру жүйесін жетілдіруге белсенді кәсіби көзқарасты қалыптастыру;
- 7) студенттердің табысты заңгерлік тәжірибе үшін қажетті практикалық дағдылары мен құзыреттіліктерін дамыту;
- 8) құқықтық сана мен құқықтық мәдениет деңгейін арттыру;
- 9) заңға құрметпен қарау рухында құқықтық білімді насихаттау және құқықтық білім беруді дамыту.

II. Олимпиаданы өткізу тәртібі

1. Олимпиада екі кезеңнен тұрады:

- 1) I кезең – ЖОО ішіндегі;

2) II кезең – базалық ЖОО-да.

2. Олимпиаданың I кезеңінің нәтижелері бойынша ЖОО комиссиясы конкурстық негізде білім алушыларды олимпиадаға қатысу үшін іріктейді және оларды олимпиаданың II кезеңіне қатысу үшін базалық ЖОО-ға жібереді.

3. Олимпиадаға "Құқық" бағыты бойынша оқитын ЖОО студенттері қатыса алады. Бір ЖОО-дан қатысатын білім алушылардың максималды саны - 5 адам. Жоғары оқу орны олимпиадаға қатысушы студенттермен бірге оқытушыны қосып жіберуіне болады. Каспий университетінің (бұдан әрі – КҚУ) білім алушылары Олимпиадаға қатыспайды

4. Қатысушылардың өздерімен бірге жеке басын куәландыратын құжаты және студенттік билеті болуы керек.

5. Олимпиаданы ұйымдастыру және өткізу тәртібін КҚУ ұйымдастыру комитеті (бұдан әрі - Ұйымдастыру комитеті) анықтайды, оның құрамы КҚУ оқытушылары мен қызметкерлерінен құрылады және ректордың бұйрығымен бекітіледі.

6. Олимпиаданың апелляциялық комитеті КҚУ оқытушылары мен қызметкерлерінен, сондай-ақ кәсіби қауымдастық өкілдерінен тұрады.

7. Олимпиадаға қатысу үшін 2026 жылғы 9 сәуірге дейін <https://forms.gle/f55HY6XvUQ9e8Tds6> сілтемесі арқылы тіркеуден өту қажет. Онлайн тіркеу процесінің бөлігі ретінде университеттер университеттің ішкі іріктеуінен өткен және Олимпиаданың екінші кезеңіне қатысу үшін КОУ-ға жіберілетін студенттер туралы ақпаратты, сондай-ақ Олимпиаданың бірінші кезеңінің нәтижелері туралы ректордың (проректордың) қолы қойылған хатты немесе хаттамамен ресімделетін Университеттің Ғылыми кеңесінің шешімін ұсынады.

8. Олимпиаданың II кезеңі мемлекеттік немесе орыс тілдерінде өткізілетін екі турдан тұрады. Олимпиаданың әрбір қатысушысы жарысты жеке сапада өтуі тиіс.

9. Олимпиаданың бірінші туры қылмыстық құқық және қылмыстық процесс бойынша ситуациялық кейстерді шешу жолымен тест нысанында өткізіледі.

10. Олимпиаданың екінші туры Азаматтық құқық және азаматтық процесс бойынша ситуациялық кейстерді шешу жолымен тест нысанында өткізіледі.

11. Әр турдағы ситуациялық кейстердің саны - 12.

12. Ситуациялық кейс қысқа әрі түсінікті баяндалған істің фабуласын (сюжетін) білдіреді. Әр кейске 5 (бес) сұрақ беріледі. Әр сұраққа бір дұрыс жауаппен 5 (бес) нұсқа ұсынылады. Егер студент екі немесе одан да көп жауап нұсқаларын белгілесе, шешім автоматты түрде дұрыс емес болып саналады. Олимпиада қатысушысы әр турда жинай алатын ең көп ұпай саны – 60 балл. Уақыт бойынша 12 ситуациялық кейсті орындау 120 минутты құрайды.

13. Олимпиаданы өткізу бағдарламасы:

Олимпиаданың ІІ кезеңі 2026 жылдың 25 сәуірінде Каспий университетінде (Алматы қ., Достық даңғылы, 85А) өткізіледі.

09:00 – 10:00 Олимпиадаға қатысушыларды КҚУ-де тіркеу.

10:00 – 10:30 Олимпиаданың Ашылуы. Командаларды қарсы алу.

10:30 – 12:30 Олимпиаданың 1 туры өткізу.

12:30 – 14:00 Үзіліс.

14:00 – 16:00 Олимпиаданың 2 туры өткізу.

16:00 – 17:30 Қорытындылау.

17:30 – 18.00 Олимпиада жүлдегерлерін марапаттау. Олимпиаданың жабылуы.

14. Кез келген турдың нәтижелерімен келіспеген жағдайда қатысушылар оларды қайта қарау үшін апелляциялық комиссияға жүгінуге құқылы. Апелляциялық комиссия үш адамнан тұрады.

ІІІ. Олимпиада қорытындысын шығару тәртібі және жеңімпаздарды марапаттау

1. Қатысушының жеке нәтижелері жарыс турының қорытындысы бойынша анықталады. Ұпайлардың көрсеткіштері бірдей болған жағдайда, командасы көп ұпай жинаған қатысушы жеке біріншіліктің жеңімпазы болып саналады.

2. Төрешілер комиссиясының құрамы жүлдегерлерді келесі тәртіппен марапаттауды ұсынады:

- 1 орын үшін - І дәрежелі диплом (бір студенттен артық емес);
- 2 орын үшін - ІІ дәрежелі диплом (екі студенттен артық емес);
- 3 орын үшін - ІІІ дәрежелі диплом (үш студенттен артық емес).

3. Олимпиаданың барлық қатысушылары сертификаттар алады.

4. Мамандық бойынша келесі олимпиада студенті бірінші орын алған ЖОО базасында өткізіледі.

ІV. Олимпиаданы Қаржыландыру

1. Олимпиаданың ІІ кезеңін ұйымдастыруға және өткізуге арналған шығыстарды Ұйымдастыру комитеті айқындайды және оны Каспий университетінің ректоры бекітеді.

2. Олимпиадаға қатысушылардың және команда басшыларының жолына, тұруына, тамақтануына байланысты барлық шығындар жіберуші тараптың есебінен.